

сабабидан қатъий назар, у пул маблағларини корхона айланмасидан узоқ муддатга четлатиб, унда айланма маблағлар тақчиллигини келтириб чиқаради ва охир оқибат унинг молиявий ҳолатини жиддий тарзда ёмонлашувига олиб келади.

Буни олдини олиш мақсадида, **Сурхондарё вилояти Денов тумани “Denov suv taminoti qurilish va tamirlash” МЧЖ** раҳбарияти 2021 йилда дебиторлик қарзларга йўл қўймаслик учун бир қатор чора-тадбирларни амалга оширишни режалаштирмоқда.

Дебиторлик қарзларни қуйидаги йўллар билан камайтиришга эришиш кутилмоқда:

- дебитор қарздорликни юзага келиш сабабларини ўрганиш, уларни гуруҳлаштириш, уларни камайтириш бўйича стратегияни белгилаш учун омилларнинг умумий дебиторлик қарзига таъсир улушини ҳисоблаш;
- “Биллинг” тизими орқали дебиторлик қарзларини персоналлаштиришга эришиш ва қарздорликларни мунтазам мониторингини олиб бориш;
- муддати ўтган дебиторлик қарзларини ундириш учун фуқаролик ва маъмурий судларига даъво билан мурожаат қилиш;
- участка (худуд) назоратчиларига дебиторлик қарзини пасайтириш бўйича режа қўйган ҳолда, бажарган иши натижаларига кўра уни рағбатлантириб боришни янада самарали услубларини ишлаб чиқиш;

Дебиторлик қарздорликларни камайтириш ҳисобига МЧЖнинг молиявий ҳолатини сезиларли тарзда яхшиланиши кутилмоқда.

Кредиторлик қарзларини камайтиришни таъминлаш эса корхонанинг молиявий мустақиллигини таъминлаш имконини беради.

- Даромад – 11115.0 млн.сўм.
- Соф фойда- 5255.3 млн.сўм даражасида режалаштирилган.
- Умумий рентабеллик даражасини 109 %.

34. Сурхондарё вилояти Денов тумани “Denov suv taminoti qurilish va tamirlash” МЧЖ нинг 2021 йил учун тасдиқланган ҳисоб сиёсати

Ҳисоб сиёсати деганда хўжалик юритувчи субъектнинг раҳбари бухгалтерия ҳисобини юритиш ва молиявий ҳисобот тузиш учун қабул қиладиган усулларнинг йиғмаси тушунилади, молиявий ҳисобот шу усулларга мувофиқ ва уларнинг қоидалари ва асосларига мувофиқ равишда тузилади.

Бухгалтерия ҳисобини гуруҳларга ажратиш ва хўжалик фаолияти ҳақиқий кўрсаткичларига баҳо бериш, активлар қийматини тўлаш, ҳужжатлар айланмасини, мол-мулкни рўйхатга олишни ташкил этиш усуллари, бухгалтерия ҳисобида ҳисоботларни қўлланиш усуллари, ҳисоб регистрлари тизими, ахборотларни ишлаб чиқиш ва ўзга тегишли усуллар, услубиятлар бухгалтерия ҳисобини юритиш усулларига киради.

МЧЖнинг ҳисоб сиёсати амалдаги «Бухгалтерия ҳисоби тўғрисида»ги Ўзбекистон Республикаси Қонуни (2016 йил 13 апрел № 404-сонли ЎРҚ), Ўзбекистон Республикаси Молия вазирлиги томонидан 26.07.1998 йил №17-07/86-сон билан тасдиқланган, Республика Адлия вазирлиги томонидан 14.08.1998 й. № 474-сон билан руйхатга олинган «Ҳисоб сиёсати ва молиявий